



Inatsisartunut Ilaasortaq Suka K. Frederiksen,
Siumut

Kommunini akissarsiat pillugit § 37 naapertorlugu apeqquteqaammut nr. 206-imut akissut

Brevdato: 12-08-2016
Sags nr. 2016 - 12509
Akt id. 3345359
J.nr. 16.10

Asasara Suka K. Frederiksen

Inatsisartut suleriaasianni § 37, imm. 1 naapertorlugu apeqqutit ataani pineqartut saqqummiuppatit. Apeqqutit issuarneqarput ataasiakkaarlugillu akissuteqarfigineqarlutik.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Apeqqut:

- 1. Kommunit periarfissaqarpat isumaqatigiissutit naapertorlugit atorfeqartitat qaffasin-nerusumik akissaasersussallugit? Taamaanngippat: Tamanna Naalakkersuisut Kom-munit /Kanukoka akornanni isumaqatigiissutaannik toqqammaveqarpa, immaqaluun-niit inatsit immikkuullarissiq toqqammaviua?**
- 2. Tjenestemanditut atorfeqartitat Kalaallit Nunaanni Namminersornerullutik Oqartus-sat kommuninilu tjenestemandit pillugu Inatsisissaanni § 47, imm. 1 naapertorlugu kommunit atorfilittaminnut qaffasinnerusumik akissaateqartitsinissaminnut periarfissaqartinneqarpat? Taamaanngippat: Inatsit pineqartoq killilersuiva immaqaluunniit allanik patsiseqarpa?**

Apeqqutinut 1-imut aamma 2-mut akissutit.

Kommunit isumaqatigiissutitigut pisinnaatitaaffiit sinnerlugit qaffasinnerusumik akissaasersuinissamat neqerooruteqarsinnaanngillat.

Kommunit aquneqarnerat pillugu inatsimmi § 68 aqutigalugu kommunini sulisut akissarsiaqartitaaneritut, atorfeqartitaaneritut, soraarnerussutisiaqartitaanerinullu atugassarititaasut aalajangersagaapput. Paragraffi imatut oqaasertaqarpoq:

”§ 68. Kommunimi sulisut nalinginnaasumik akissarsiaqartitaaneritut, atorfeqartitaaneritut, soraarnerussutisiaqartitaanerinullu aalajangersakkat, tjenestemandit pillugit inatsisini tamakku aalajangersarneqarsimatinnagit, Naalakkersuisut aamma Kalaallit Nunaanni Kommunit Kattuffiata akunneranni isumaqatigiissutit aqutigalugit imaluunniit isumaqatigiissuteqareernerisigut aalajangersarneqassapput”

Kommunit immikkut isumaqatiginninniarsinnaatitaanngillat. Tamanna oqaluttuarisaanermi pisimasunik aallaaveqarpoq. Siornatigut Pisortat Isumaqatigiinniartartuisa (DOA) kommunit Namminersorlutillu Oqartussat (Namminersorerullutik Oqartussat) sinnerlugit akissarsiassat atorfinitsinneqarnermilu atugassarititaasut isumaqatigiinniutigisarpaat. DOA inatsisitigut atorunnaarsinneqarnikuuvoq isumaqatiginninniarsinnaatitaanerlu Namminersorlutik Oqartussanut (Namminersorerullutik Oqartussanut) tunniunneqarluni. Kommunit sunniuteqarsinnaanerlat november 1990-imi suleqatigiinnissamik isumaqatigiissut aqqutigalugu nassuiarneqarpoq. Isumaqatigiissut taanna kingullermik ulloq 5. marts 2003 nutarterneqarpoq, tassani Namminersorerullutik Oqartussani kommuninilu sulisut akissarsiassaasa atorfeqarnerannilu atugassarititaasa aalajangersarneqarnerannut atatillugu isumasioqatigiinnissaq ataqatigiissaarinissarlu pillugit Naalakkersuisut Kalaallillu Nunaanni Kommuneqarfiit Kattuffiat isumaqatigiissuteqarput.

Isumaqatigiissummi tassani § 2 Namminersorlutik Oqartussanut (Namminersorerullutik Oqartussanut) kommuninullu pisussaaffiliivoq isumaqatigiissutini piumasaqaatit malillugit taamaallaat atorfinitsitsisoqartassasoq. Sulisut tassunga atatillugu tassaapput tjenestemandit aamma isumaqatigiissutit malillugit atorfillit.

Isumaqatigiissutit qulaani pineqartut taakkulu malitsigisaannik immikkut isumaqatigiissutaasut pisortat suliaqarfiini assigiaarnerusumik akissarsiaqartitsinissamik tapersersuinissamut tunngatillugu taamalu kommunit Namminersorlutillu Oqartussat sulisuisa akornanni akissarsiat qaffanneqarnerisigut pisortat nalinginnaasumik aningaasartuuteqarnerulernaveersaartinneqarnerannut pingaaruteqartutut isigineqarput.

Naalakkersuisut nalunngilaat kommunit ataasiakkaat ataatsimoorussamik isumaqatigiissutit avaqqullugit sulisut isumaqatigiissutit malillugit atugassaqartinneqartut immikkut isumaqatigiissuteqarfigalugit atorfinitsissimanerannik tusagassiorfiit paasisutissiisimasut. Taamatut pisoqartillugu Naalakkersuisut isumaqatigiinniartarnermut allaffiata tamatigut kommunit pineqartut saaffigisarpai, tassa pissutsit qulaajaaffiginiarlugit aamma malittarisassat isumaqatigiissutillu pillugit ilisimatsissuteqarniarluni.

3. Susoqarneratigut kommunit inuttut ataasiakkaatut isumaqatigiissusiornikkut atorfe-qartitsisinnaappat, ataatsimoorussamik isumaqatigiissutit atunngikkaluarlugit?

Namminersorerullutik Oqartussani kommuninilu sulisut akissarsiassaasa atorfeqarnerannilu atugassarititaasa aalajangersarneqarnerannut atatillugu isumasioqatigiinnissaq ataqatigiissaarinissarlu pillugit Namminersorlutik Oqartussat (Naalakkersuisut) Kalaallillu Nunaanni Kommuneqarfiit Kattuffiata isumaqatigiissutaanni § 3 imatut oqaasertaqarpoq,

”Atorfinitsitaanermi isumaqatigiissutinik imaluunniit tjenestemandit isumaqatigiissutaannik matuneqarsinnaanngitsut malittarisassanik Kalaallit Nunaanni Namminersorlutik Oqartussanit imaluunniit atorfinittumut toqqartumik

isumaqatigiissummit Kalaallit Nunaanni Namminersorlutik Oqartussanit akuerineqarsimasumit pisassapput. Taamatut pisoqartillugu sulisitsisut Kalaallit Nunaanni Namminersorlutik Oqartussat kommunillu ataanniittut taamaallaat malittarisassani atugassarititaasut imaluunniit atorfinittumut toqqartumik isumaqatigiissummi atugassarititaasut akuerisat tunngavigalugit atorfinitsitsisoqarsinnaavoq”.

Inussiarnersumik inuulluaqqusillunga
Med venlig hilsen

Randi V. Evaldsen